

漸西村人初集

漸西村人初集

詩八

讀東洲草堂集題語

舟中觀內子畫海天羣島因題一絕

題所居

壽義烏朱丈詩

園花

哭王少梅大令

汝霖

庫頁島

聞俄人經營其地造船築砦故作是詩

秋暮游西山得詩三首

夜登翠微山絕頂

戒壇松

潭柘泉

招鼎父

方烈婦詩

槐廬前示尊甫翰臣先生經德堂集校畢招飲兼示
新詩牽勉奉和並簡韋君伯謙

雪中簡松岑院長用韓集寄崔二十六斯立韻並呈

謝夢漁給諫

戲書壁

懷桐君山中歌

二十八宿研歌效涪翁體

爲張生作

戲題學舍

目錄

三

避舍蓋
公堂

漸西村人初集

詩八

讀東洲草堂集題語

戊寅

抉石怒猊搖嶽動渡河香象徹流明道州書勢已驚絕秀
句況如春景晴

舟中觀內子畫海天羣島因題一絕

海山點綴如螺殼鎮日浮空縹渺青多事成連裏糧去何
如豪楮攝眞形

題所居

河小難爲九里濶

子以春暮復入都
僦居近三里河

身閑收得一堂深未

妨市隱不歸去糝徑槐花伴醉吟

壽義烏朱丈詩

沈溪蟬衍華川靈長篤生君子邦家之光射于澤宮有蔥
佩玉惟獨也正超然其躅兩掌學職生徒祁祁考業卽安
旣去而思入刑于家方矩秩秩在約彌寬課幽斯密樂只
君子所以黃耇繼起騰驤保艾爾後匪爵是崇惟德之從
匪服伊華惟氣之冲出觀于國後進法式太圭元酒不醕
不飾辛壬之際有盜綢州嬖廢其織甿荒其疇縛人如麻
空村門狹全冒救之累繭重載芟夷羣醜自君發之事定
勞成不名一辭山堂卜築油素幘千詠禮稽樂家自爲傳

丈讌于堂寒鼃掉豚天秩旣飭地嘽以尊文游于山喬仝
列居金華石室神仙所都溪有仁禽山有禮獸福生無爲
陰德斯投廬山之高繼美劉君樂只君子造家其勤

園花

丹沙點漆漫庭砌璣細園花不足科留伴村翁籬下酌科
頭自唱夏峰歌

琴家夏峰歌舊題尹芝仙作乃容城孫徵君自寓也蓋
空同道士鄒訢之比

哭王少梅大令

汝霖

勾鹿書來已隔年無端神理失綿綿才猶未盡黃閒穀名

憶同題翠壁鏤試作騎兵言戲耳況聞盜課氣無前時艱
正待收羣策忽漫短生隨化遷

君爲崇仁令以盜課考最

往時載酒西湖埭痛飲頻遺石上簪夜注虎鈴論遠略朝
參龍躋挾仙心重游已是山陽笛再鼓那堪子敬琴更欲
將書訊南使送帑鄉井力誰任

庫頁島

聞峨人經營其地造船築砦故作是詩

冰壑淩兢絕塞烟累朝盟北靖樓船東西尉候三萬里
神武康乾二百年天柱氣溟長白壯地球脈注混同偏但
期梁策冰夷駕會遣波長精衛填

秋暮游西山得詩三首

竹汀錢先生云游山是尋樂事作詩乃自尋煩惱至哉是

言得大解脫興之所至偶唱打油
不足云作至於煩惱或冀唐捐

夜登翠微山絕頂

渡河試參象兔力登山誰辦龍鹿躋青林把臂一忻然其

漱流泉浮玉嶼吾師內觀剡憂端

南皮張公

七客外游窮繫表

竹坡繩莽伯潛敬輿再同及琴者武夷道士葉少懶

列炬照灼驚潛虬塔鈴參差躡

飛鳥欲攜元圃無言子巖廊窅冥獨見曉稍和嘯侶跨山

梁

同登者三人以樵夫導游

徐領樵童度木杪霏霏滴翠杉松冷漠

漠生烟城郭小何方清磬答鯨鏗上有纈林覆龍湫道人

定心不畏虎延客入觀月皎皎爲敲石火煮新茶泉味甘

香勝清醪蒼藤古洞不敢捫飛檻橫空山氣縹夜深綠霧

沾人衣野電穿林
蜃震掉鷄鳴月黑下山去天扉
訇然翻
思矯明朝更渡桑乾河
馬上天瓢測多少

戒壇松

去城五十五里近天色嚴淨還
春容松排曳落河十輩寺
鑿耆闍崛一峰蒼皮磊砢多
節目元氣迴薄無春冬欲投
香飯流杯渡壑舟何許泉淙淙

潭柘泉

學山與山同靜氣懾豺虎老松如古德
竦揖蓬萊股天憐
蒼峽瘖孽破玉龍乳飛鳴濺琴筑
竅鑿靈府語鏗鏘太廟
樂霹靂石車雨萌牙坼寒癡
奔笏中宮羽真源衣帶長傑

閣苔蘚古經流互隱見三淵翳復吐漱甘乎釀春唾綠寒
通戶有時琴高生潑刺潭底宇上滲青楓林下注黃獨圃
出坎入坎雲無絃有絃譜枕之三千炊濯以丈二組一瓢
瑩我心淨正不可腐

招鼎父

葉公好似轉疑真華實不同眩朱碧知音者希我誠貴越
石所以甯削迹豈知世并少葉公將相俛眉無揖客秩微
俸薄食指殷季廩官錢無足陌飾說干令本非賢抱甕燒
畦復愁瘠連牆且喚朱翁飲相眎而笑神不隔能誦皇墳
見亦罕況乃曾同湖舫席穀北漸西不歸隱撻西山雲抱

白石桃雖未熟許同嘗冠縱難彈求挂籍球時未睹日中
焚學道還睇山下澤殘生傷性復耽書戊夜繁微雪窗白
槿籬植援動高興菊埭吹花恣浮拍人生有涯鳥過隙歌
呼坐忘在陳阨黼藻堯禹自有賢咀嚼圖書但償癖望衡
何必非老龐共宅夾沔懼今夕一杯相屬君莫辭竹月泓

崢盪精魄

時與鼎父
同寓舍

方烈婦詩 有敘

予友陽湖方恡子謹彥聞大令孫予嘗稱其爲人如
春巖融雪晴瀑挂松者也媚學善屬文器識超然夷
曠意其必享高爵長年今歲暮春右輔旱疫遽嬰疾

委化于樊輿書局年裁壯夫遽爾摧折昔魏太子謂
親故罹災一時並逝今薊北淮南有數故人皆以疫
故牽連鬼錄子謹其一也吁可悲哉烈婦趙乃康熙
朝御史大夫謚恭毅公仍孫強項牧名烈文之女以
方君流離姻媾故留其父家居虞山下聞之哀慟動
其家人屢欲自鴆以有遺腹勸止及舉之女也孺人
傷宗祏之幾殄悼逝者之志不伸髮經未虞雉經以
相從于地下所司以狀聞于 朝太常旌焉吁男子
不死于婦人之手婦人不死于男子之手方君法度
士不離輜重非積私昵使內人行哭失聲可知乃能

致其賢婦賓敬矢幽明不豪毛相負若此然則君之
賢其痛可知矣獨哀君法宜久眎而短折不延宜光
大而懷奇不曜宜有後矣而寥落無子姓豈高名將
懸于虹蜺鬼魑妒之而靳夫庸庸者之報耶漆園吏
有言人之君子天之小人芒昧之故非予敢知已作
烈婦吟以追悼方

嶠山趨晉興百折入蒼海中有連理木柯節日疏礫不獻
瑞應圖翻隨校書郎君在交河陰妾居虞山陽願爲蛇憐
夔願爲蛭負壓六氣采朝霞兩地見明月明月珠不綈飛
霞佩難齊薜蘿涉長阪垂柳覆金閨旣得結終始尊章去

影忽與君奉蒸嘗攝事莫無闕團團南榮桂實蠹花如銀
纂纂東桃李赤心同苦辛法物不在廟飛黃不在廐勁幹
凌北風歲寒非早秀君來草始腓君去歲載華秋帳警黃
鶴春陸沈龍蛇不因燔湘竹何知汗簡馨苕苕夢中路磊
磊曙後星委蛻非我有中腸幾熬煎崩城非我潔何以明
惻惻徘徊復徘徊自挂孤生樹淚流妾安歸血迸公無渡
蹈海水爲竭望山石爲枯乾笑負國者徒有如戟鬚我欲
述雙璧清風動林屋勒銘北江厓上激振鷺瀑

槐廬前示尊甫翰臣先生經德堂集校畢招飲兼示
新詩牽勉奉和並簡韋君伯暕

臨桂好詩兼好客舌如電光氣旁魄先公一卷冰雪文顧

我較讎讀之百桐城文格歸嶺表

梅柏峴郎中語

秋菊已謝得霜

柏晚餘吾兄蒐舊聞日下耶潛困常格尸居久矣不挂眼

腐鼠徒勞相恐嚇偶然開堂寘尊酒錢乏準衣貧不惜豐

車肥馬未爲賢長劒切雲豈辭瘠坐論台北與安西人臣

之利非上策憂時有淚井鼃笑忘象無言小儒昨傾囊且

買日精花芳曜開林亂朱碧發興豈讓東籬翁祖謝周劉

共爭席蕭辰何必盡重九雲月清熒盪瑤夕昨來示我驪

目寒四百廿言草隸適勁句洒如松下風殺字盤紆復跳

擲嗟君才既了百人且勿耗心文字役文淵器大事可爲

浪嗤朱勃早通籍
韋子靜者君有連
五字蕭澹七字妍
袖中各有南風手
何不補取
皇朝武功饒吹篇
豈若東城儕
圃叟長鑱白木耕
蒼烟

雪中簡松岑院長用韓集寄崔二十六斯立韻並呈
謝夢漁給諫

北平幽栖雪掩關
萬樹皴玉失西山
學舍欠伸簷壓帽
予乃叢書於其間
戶曹卻掃日湛飲
故將綠酒澆童顏
端公十年未一轉
有如老驥滯天閑
數奇由來老少其
寒女白絲遺蒯管
天扉公相涉時了
氣嚴語簡安可撓
劑露酌陽格災褻
飛霰降澤羣疑刪
吾儕安居觀物化
藏器默與時

迴環朱鷺盜兵會龕定天山勒銘甲罷環乾坤清夷利登
進豈終蒼遇遭天慳獨令商歌凍破屋三冬蟄臥如蟲頑

戲書壁

昔爲東城圃叟今作冬烘學究有時獨速牛歌偶署支離
馬走山肩霜聳疑寒河面風吹未皺任從米汁逃禪竈婢
不聞隄詬

懷桐君山中歌

江上巉巖之深山欲往從之絕扳援厓傾谷暗煖鳥怨青
楓赤葉攢其閒林衣紛掣見玉宇上有落日浮雲殷但聞
寒泉琴筑凍復圻潛出石罅衝潺潺聞君齋糧海上何時

還木食礪飲空閑關陽巖巖元熊白鹿走其尸陰壑凜
冽黃精赤箭覆其機胡爲燕趙浪馳騁夕雪沒慄朝忘餐
薄田二頃豈難覓檜木三年行可斲坐令樵牧思君噤疑
作老鶻霜拳巢石壇寒栖隱士著蘿薜致君招隱歸來篇
不然投竿西入瀨珊瑚樹長垂闌干洞天福地有如此胡
逐塵壒凋朱顏銅川仙人王無功猶憶弟妹思故園池臺
井竈底閑處孤此竹樹青檀欒軒轅外臣桐作姓移文京
洛厚相諍江上梅花遲凍輪磯頭蝦菜望歸榜笑謝山靈
展息壤買山且須後期請試坐東軒一臥游霏紅拂黛圖
凌映西山一勾當瀧泉異地何曾失泉性

二十八宿研歌效涪翁體

爲張生作

角磬泓崢一規研
擎之不舍石飲箭
亢旱七年此屢漑
藏汝名山潤井磴
氏羌解辨羽檄馳
功成元圭捧天墀
房山石經字斫鼉
羅縷道妙隸與蚪
心之囷囷銘汝背
玉帶錦暉備十賚
尾生哀汝如申徒
再排石丈割雲腴
箕張聲謹蒙世哂
獨仗端公如石友
斗落泉源不可陂
珠璣萬斛酒淋漓
牛耕偃游四科耦
抗志不數麟符後
女媧遺礪泣五精
昆吾鋸屑罪元英
虛期草延回天意
空復鋤奸借前史
危言嶽嶽動九天
劇談混混鉤三淵
室無一丈能厝地
研池無五轄爲餌
壁藏家鑄資爬搜
意氣於今無匹儔
奎章

閣吏草新銘神采爛似山元卿婁敬釋輓取奉春我獨胡
爲手將龜胃爲天倉有高廩深耨來年應倍稔昂作天街
拓雲構研都擊下輪般湊畢陳古物敦與劔九能大夫來
勒銘觜螭負屬輦樂石三體經生網遺籍參文度樣互相
稽熹平斷爛開成隄并封咨汝離石君礪治高詞儷皇墳
鬼鳴啾啾粟天雨墨碓飛花研山澍柳材非宋蒙器斲南
皮經師猥收錄星星未見尙黑頭載酒問奇行不休張生
二十準文賦傳研藏之供箋注翼然二俊成一軍突過三
張硯將然軫修道遠予壯悔同乘糗槎浮學海

戲題學舍

目倦一丈室剝穿六尺牀我非病維摩嘆此火宅涼又非
耄幼安皂帽倚隱囊一日復一夕柴立未渠央市聲鑿屋
山短檠昏吐芒奴星一來饋或觸屏風僵伊優秋蠅語聒
沸夏蜩吭坐如枯松枝舌欲弊廣長將梗彌明喉渴竝太
官漿誨爾子無藐嗒然吾已忘向來腸百惟十索不一償
媿乏嬰兒色復督町畦方內和不得出外韃政爾妨俄看
綺避雁莫遣穀亡羊涸涸冰語炭切切參呼商象受佛械
縛鳥失天風浪一笑傷野性再拜陳後堂將辭窳厖游脫
若驚鳬翔

浙西村人初集

詩九

瀨上舟雜興

續咏

戲簡松岑

趣作篆

哭張牧莊

禁城

寄從兄新之

張君立生日詩以勗之

送友人之粵

名子詩

座師孝達張公生日作

寄孫太僕丈

答譚全椒

壽休甯吳學士

李壬叔

善蘭

七十初度

贈寂照寺法雲長老

昌化人

久不作詩拈筆短述

哭劉泖生

效吾鄉田歌爲秀峯村趙丈六十壽

太息一首贈李雨蒼副都護

張芝浦丈出爲陝安兵備作詩送之

題辭十九神山訪碑圖

詠齋前竹

集槐廬齋中作山谷道人生日

偶題

贈辭十九

哭董策三戶曹

夜

愁卧

送鄧獻之歸黃岡

獻之次均枉答誇其鄉竹田魚蕩之勝所居去寒溪
西山隔衣帶水耳欣然會心遂復和之

碣石行次前均

時有俄警大軍屯山海關一帶

夜集

送汪仲伊作令山西卽題其所簪書卷尾

題仲伊後緹紫傳奇

欲歸三十均

送辛楣郡倅南游四絕

芻粟示女

九日城西登高

又至畏吾村茶陵李文正公墓

雜言

槐

後震海二十首

續邵陽魏默
深先生作

潘孺老著新帽曉行隘巷閒爲人攪去賦新詩獻嘲

買菊

題瀨上舟

丁氏

答和譚全椒

懷鄭令君時從軍渝關

掾曹

客坐

腐儒

街東

閑中

巷南戲贈潘高士存瓊州人

聞亮生不作亶州之游

少宰仁和夏公挽詩

地用莫如馬

孺老謫予曰不如速伴歸山去長嘯一聲煙霧深云

云戲答一絕

宅中竹

朝市

漸西村人初集

詩九

瀨上舟雜興 己卯

瀨上舟何以名因所居學舍詰屈如舟而名之也汎
兮若無止滯兮若不繫虛已以游容身而居走少家
富春之渚紫巖綠岫潭澗淙流繁花覆溪數里一曲
春松垂蘿雲壑萬態久矣不與吾目相接吾淡然無
爲而神游焉斯不齎糧而至矣何處不可作瀨上觀
乎目瞑意適隨疏所得記之

儒無宮一畝胸有山千疊迴牽岸上舟藏壑輕如葉

勿出風波言甘作風波民據梧眠較穩永日靜垂綸
松暗三山塔花明九里洲夢中春水熟放棹一夷猶
石鼎竅自鳴松風落檐際坐聞春夜泉稍出叢篁翳
刺亦無所前泊亦無所止延緣迴溪閒歲晏期游此
寒夜撥鑪火蕭蕭雪打篷不知絕島闊人語春煙空
稍稍檐鵲鳴微微風竹語何似狎羣漚菰中不知處
上學如上渾放參如下灘君看金石住何曾逐驚湍

續咏

種蕉大如篷驟雨聲喧聒驚起夢江湖挂席煙水闊
桐生雙井上風露淨娟娟若爲呼作姓食肉自能仙

沈沈北戶綠空際晚涼生會遣龍孫輩床虛時一鳴
種菊依疏籬焚香出茅屋銅螭浪翻江知有暗泉伏
懷人風雨夕發興滄浪舟世路渾無岸跣趺銷百憂
臥疴乍褰帷新月掛屋角忽憶聽田歌何殊張水樂
閱世長安弈升沈幾局枯浮名竟何益輪與漢潛夫
一壺松醪春幾寸松枝筆栖泊何所營龐公戒浪出

戲簡松岑

趣作篆

冰翁而後接龍生以筋畫灰玉精英况復黔安蛻句律偏
師電埽千名城八桂巖頭谷音發六槐街裏竹花榮雖無
一丈好東絹煩君攜洒夏蟲驚

哭張牧莊

磨君百跣

帝京塵

君直內閣十餘年從不賃車代步

綴玉流溫見性

眞一自越吟餘響杳蕭閒閣吏更何人

禁城

禁城甘雨後風物似春餘問道虛丹鼎探奇閣漆書鐸聲
喧啅鵲橋影聚游魚寂寂揚雲論何年陪石渠

寄從兄新之

別後三鑽火書來一破顏萍浮長兒女樗散謝躋攀笋垢
新移榻苔皴舊釣灣晴嵐入樓好飛閣倚江潺石屋花更
發野橋楓幾殷他時小蠻榼共醉兩山間

張君立生日詩以勗之

謾謾勁風松下吹更教重穎茁華池精微讀破張侯論古
淡能爲水部詩博物猶應識龍鮓諷書何用借鴟夷一編
日歷過庭錄紅豆傳經手重持

漸含新意到精廬梧竹深青手自鉏作賦剛逢游洛歲清
才合遣夾漳居但期風雨含飛動豈有門庭事埽除看取
捎雲二千尺老子菌蠢社前樗

送友人之粵

人物眇然吳會閒舊游蠹落參橫天與君尙抱壯夫志甯
方爲阜不爲圓風吹橘柚貢南國日啖荔支去龍編相看

萬里各努力志清尉候方歸田

名子詩

五月能言舜德之衰國君同食子綦懷憂被褐治玉戰勝
與期魯卹奚辨一經是師名汝曰櫛字汝仲默爾微長
訟過毋飾聆呱入門子實涼德可不敬興前言汝則

座師孝達張公生日作

居鄰滄縣三程近生後深甯四日強災異曾推星實宋宏
詞不獨磬銘商萬年藤杖石路滑五經壁字金絲藏

時太
白畫

見公爲國子司
業上書言事

且坐牆東斟桂酒彭宣喚取侍華堂

寄孫太僕丈

潛虬亦受豫且困世網傷性何由馴公甯久縻金穀地應
陪朝論懷批鱗一麾京國二十載玉泉迴首昆湖潯食笋
齋頭宿黠黜榆杻合抱藤蘿昏浮雲變幻萬事改朱轡假
節秣陵春晚餘漪園道旁石猶識舊直 三天臣時艱

再 召羣望洽大官更事餘空齟行披琅玕貢宣室莫漫

演溪投巨縉況今 法宮感星異修刑修德 重光

新要令柔祗安且靜五月中隴蜀地大震陷沒數千家登進眾直收桎箇

誰歟目若營四海國工有待盧醫秦練衣蒲扇坐鎮俗亦
能一藥疲與呻列卿不獨掌捫馬天閑蹴蹋銀騏驎具茨
問道知去害文事肯數歸嚴陳勞公百觚上東門履常不

飲甌生塵

答全椒譚令君

荆川習禮高槐下

唐襄文公嘗講學襄水書院今廢

孫策移家大道邊

孫桓

王在歷陽未渡江時嘗奉母吳夫人居阜陵後入曲阿始遣將陳寶至阜陵迎母

濩落如君猶墨

綬支離笑我穀黃肩幾時爲假秦毛羽人世終愁越膽肝

霸業久應隨宿草清流何事託庸妍微吟一勒南岡石游

迹終懷仙苑賢

全椒學宮石刻仙苑二大字朱子書

但保人生金石好何須

遽問蹲鴟田

壽休甯吳學士

風雨鱗鬣動吹噓廢疾蘇如何魯酒薄來佐太廚腴其一

漸江水源三天子都垂虹黟瀑濺徠馬漢郊符郎省初題
柱連敖旋握珠要章典屬國指畫坤靈圖內制鸞臺貴邊
籌象譯殊稱身衣借紫生耳轂塗朱責貢條支羽憂時魏
國瓠黃流思塞賁赤海罷乘桴校士春開錄懷賢夏屋愉
不才孤器賞僂遇戀夷塗壯武論陶雋高平薦富劬汗溝
相馬式微尚笑龍屠榮菊奇稔邁吹花綠酒醅季蘭詩一
獻孟氏易三摹老復丁無極堅多節豈誣采囊承露柏銀
佩綴山萸體潔春組列時艱力墨扶軒弓重回首蘭矢願
先驅

李壬叔

善蘭

七十初度

欲攸授時誼慙非許公才銅渾寫北極玉鑑破東來宣夜
鑽三術登高笑九能千春曙幽漆一日欬風雷未遇

景陵世對天虛上台徒觀靈壽杖醉扶宣城梅歐羅巴人初得元朱

世傑所著四元玉鑑號東來法遂知測祿

贈寂照寺法雲長老
昌化人

予飲天目水君草西溪圖誰爲五漿餽併作一乘附鄉味
柑千箇石根松半枯牛車不用覓相對憩團蒲

久不作詩拈筆短述

崔生端不負丞公嬾闕天街曉鼓逢石鼎夜鳴寒鬱夢桃
龍霜落勁踏風娛文自是無常格守餓依然覩國工翻憶

梅花洲上路枉教朔雪望南鴻

哭劉泖生

君出鄰州無復人遙峯歸翼一酸辛

衡山有古詩碑曰薄煙羃遠郊遙峯沒歸

翼止十字

夢中命駕渾無路濁世論交覺有神
蠅抱腹非難語

淘龍逢皮相轉疑真金庭石室不留地
況厄寢邱廉吏貧

去年莊叟

中白

濠梁痛又值更生丹不成縱使書成非妄

歎最難後死媿忘情春來宿草要離冢
雪暗連沙右北平

應仗陶堂

高君心夔

爲石志相期文字慰平生

丁年給事尙書省垂老枝官亦佩魚
抱石申徒疑嫉世草

元揚子爲讎書湖莊洲舍難尋約

君喜卜居水鄉嘗以稚三洲漁莊圖索題

詩九

六

進全卷
公堂

子偏親未絕裾太息朱游終始義

朱竹石觀察爲料理身後事

抒哀情

竭獨慚予

效吾鄉田歌爲秀峯村趙丈六十壽

見父執如面耶童時游釣隨巾車竹弓射鳴草屨撈鰕
入深林際招磨廬我父督課如官衙丈來一笑冶躍鈺
嶺廟山呼蒼霞東臨泉烹嫩茶太湖塘摘山果赧歲穫水
雲租賽社村酤賒瓦盆一醉茅檐下藤枕筭床敲復斜無
端盜賊起孤兒生瘡痂父書觸手不忍讀晚餘四丈童
顏白髮而鬢髭少者俄壯老鬢華家產蕩盡還種瓜自抱
長錢耕确硯田荒牛少虎豕橫豪吏索錢聞馬撾祝公河

車挽水餌丹沙採藕十丈淺三桮種桃滿谷如仙家洞口
流杯飯胡麻眾雛誦得尙書春秋與律令告誡牛醫馬走
思慮無由邪何用挂朝籍役智于無涯長樂老復丁著書
齊隆窪敬父執如面耶抽簪歸去跨牛背親捧釣竿隨
古槎裏菱塘魚可叉琴高生壽命遐龍女絹容顏姘

太息一首贈李雨蒼副都護

庚辰

太息劉中壘能奇陳子公馬嘶青海塹虹挂雪山弓吹劍
氣爲白投鞭吾欲東

君王鼙鼓意失計莫和戎

張芝浦丈出爲陝安兵備作詩送之

張君筆端可以迴萬牛

用浩翁贈宛邱句

嘗乘仙槎古黔州十年

東觀弄文史一日西笑控旌騶蓬萊左股地肺右自言游
跡東南周洞庭窪尊燒苦酒黔山玉帳資雄籌有時餘興
出秀句雲煙潭沲不可收坐藏人海斂奇翮起家列戟辭
霜鞫補游西北天乞與牢籠景物須瑯鏤精誠迴看白獸
闔意氣欲籀青金虬興元地形天下強綰轂仇池氏與羌
謀秦葛鑿赤岸庫開蜀丁走金牛鄉誰穿天穴五百里褒
斜磨厓厓石紫簣簣谷裏寒玉倚得侯千戶饒如此時艱
燒棧襟喉壯事定勒銘文字美列州將吏隨低昂出得專
城差可喜烹魚忌碎牧羊煩力行君應慎張弛吾師方膾

制河魚

舉主齊亭少空
時官浙提學

丙穴異味更何如待君內除還掌

制醢池黃九佐揭檠椽曹蕭然百甕菹未得懷鉛雉祕書

天甯寺頭花市鬧何日拍浮岸幘重相於知攜西狹驚人

句莫忘情時議石渠

題辭十九神山訪碑圖

即左司集中全
椒道士所居許

鍊師定力不畏虎能致韋公酒一尊石髓飽餐騎鹿去惟

餘筆勢在雲根

左司蕭憺四十字才盡東坡與阮亭欲識飛仙舊行迹亂

山合沓四圍青

詠齋前竹

詩九

八

避舍蓋
公堂

含粉籀龍抽六箭連珠菌子茁三釘蒸成何似冬生壽付
與幽人齊物經

集槐廬齋中作山谷道人生日

碣石欲掃海鳧髦一雨全燕雲滔滔風簾燭淚薦溪毛下

拜者誰龍伯子論詩妙得涪翁髓十四庚辰一彈指元符三年

庚辰山谷在戎州戎州吹去又宜州瘴衣腥膩薦獠羞孤光日轂

破閭浮摩圍閣倚屠牛機松風一吹七弦希遺俗至今習

癩瘡玉篇癩瘡熱悶也古樂府妃呼豨應作癩呼瘡謂張口舒氣如噫吁語助之比憚子居說離陽社

人意甚真竹根澆客無邊春八桂老人聞不聞龍蛇起陸

痛時危靖康丙丁是元龜我醒欲正熙豐辭不如去舒州

山谷寺安隱騎牛工辟世靜看夏簟解衣卧石筍

偶題

高密未遇時材堪郡文學獲落長安街犢禪不掩足萬物
埃其賓空齋惟裒樸鄧林與瓜蔓生意同齟齬鄰槐俛屋
山一雨翠如幄蠹書竹粉殘古薜垣衣剝突煙鵲啾啾地
花雞喔喔倘歌甘澤謠應如洛生濁

贈薛十九五首

高榆三兩株蔭我茅一椽古道鹿麋蠹蠹圖史散後前煙華
宴坐處石淙意超然我媿韓博士亦復五楸牽楚然喜君
來葛衣兒女褰

詩九

九

避暑蓋公堂

九鑽南梁槐三縑北地葛

家口寄居全椒者九年蕭梁時南梁太守橋治於此舊巢

水石痕時夢魚梁闢桑下有餘戀親知况天末晦明東西臺懷鄉尤咄咄一被羊裘去何殊鮎竿脫

林居臥閱世穴蟻防潰隄監觴不早塞虹洞挾沙泥亡羊牢未補爭鹿媾終攜絙短深鑿井鑊長寒刷畦吾忘適之適抱甕厭聞顰

律身常畏微求志不在小身在菰蘆中志徹萬象表緬懷桑根翁羣醒獨見曉斜川嗣東坡豈爲青紫嬈歸草新宮銘目窮丹經眇

士中有馮

煦願雲

吾愛若笙磬炎天嚼冰雪龔俗猶聽瑩

遇窪氣常充世誦道自勝去盡從之游擺落小根乘欲贈
乃無言百藥自求證

哭董策三戶曹

璧社湖邊無枉札文游臺下弔空舫楓青漚白難爲約臂
彈尻輪竟不停觀化一巡無此學折楊三疊有誰聽卻思
舊日同游處邗水淨煙絮化萍

清寒書局共三年問疾尋春在眼前君辨三條蔥雪剖

君熟

於西北
輿地

予忘六鑿駟蛩憐思林苗地風雷蟄藝海乘桴日

夜穿今日京華仍獲落寄書有淚到窮泉

對天名論服蒿庵

張稷若先生
有天道論

倚伏環中不可覃斥贈窮

詩九

十

過舍蓋公堂

交知長者

君一同年友失官落魄不能歸賣書衣助之

獨航元理助清譚河車

灌腦三淵靜沙篆吞匱六壑參石火杳然何處視劇憐煎

北望淮南

夜

晝苦塵鞅接蕭寥獨愛夜箕斗插屋櫺風螢晃空樹東癡

名偈奇大令書凌跨

王獻之進書訣表云乞食揚州市上老母姓沈惠臣一餐無以答其意

臣于匙面上作一夜字

靈臺氣逾存琴思靜初罷自有閉門車何須

夢秋駕誕誕自言明傲以冥萬化竹露青嫵娟澄晶洗炎

夏宥此斧斤餘天教籜龍赦薪殘桂蠹然跋見松脂借脆

夢炊黍閒浮榮彈指暇知交迹也疏盍耐倒噉蔗黃絹與

青奴一室相枕藉雖非情失半略恥畢過嫁牛歌編槿籬
猱升縛藤架何須對雷堂何必青冥靶有琴得忘言有子
號不嗔岷息去來今臥游嵩岱華雖耽委吏閒幸免長官
罵鄙吝執自甘意氣未能下微吟常至戌曙鵲噪寒舍

愁臥一首

張長公貧煙火微厭聞海立更烽飛達官瓦注迷金注愁
臥林衣閒石衣坐失事機空盱食曾無良藥起風痺欲從
季主筵簞卜新雨天街待振衣

送鄧獻之歸黃岡

鶉首朝媾秦牛耳夕要楚我欲東求滄海君瀕洞傷心波

浪阻徒令黃州老禿翁逕著莎衣掉頭去胡不上書言天
扉胡不借籌衣短衣兀然盡日閑蕭寺把卷據梧長忍飢
竹閒茶熟攜石銚蒼雲蔽天淨暉暉不嫌蕉萃百寮底如
髮青山一棹歸岐亭松花酒初熟郭索蠃美槎頭肥厭聞
世議脂與韋山林鼎貴隱不痒規陂待種魚千石度形仰
縑桑十圍秋風銅狄戒將違予亦陽阿髮欲晞

獻之次均枉答姪其鄉竹田魚蕩之勝所居去寒溪
西山隔衣帶水耳欣然會心遂復和之

郊原新雨洗新秋極望西山出平楚卻憶臨臯亭前雪浪
春夢痕鰕菜扁舟阻苦道鄧侯挽不留頗憎殘暑推未去

寒溪炊煙隔江扉松子爲糧薜作衣宦游卅年不歸去花
落山中黃鶴飢改官金門老執戟何似扁舟散髮弄清暉
女縫天吳裁褐坐兒騎秧馬行水歸憂時自有濟時相學
道差便吾道肥冥心獨往無弦韋一浴丹池療百癆細餐
籬下玉版味厭勝人閒金帶圍求田甯與志相違富貴何
如草露晞

碣石行次前均

時有俄警大軍屯山海關一帶

堯欲鞭羊舜荷箠百工袖手安越楚蔽陴渠答碣石閒表
裏河山天險阻不鞭其後惡能臧弩弱獸強搏矢去胸作
東門今蘊扉鹵田葦海水生衣開渠灌田迹久廢戾陵鄢

上鵠民飢中流舟膠維楫敗未濟何由君子暉坐令大食
黑衣伍寶玉肱桺連檣歸載書如山槃不定撐犁食言能
自肥蒙皮笑倒南杜韋梁韋叔南
杜陵人昔何精悍今何癯腰橫
金帶朝乘障雪沒桑乾夜打圍徙薪徐生與時違翳郭蓬
蒿陽不晞

夜集

樂餌縱能娛暫客淡言誰識道堪親野夫爭膝白漚席
座從投方角輪竹壓藤陰花作霧笛吹雲破月常新漸西
歌管濛濛路江月江花憶酒人

送汪仲伊作令山西卽題其所箸書卷尾

空堂讀書三十年不如一詣跋主簿古人已抱不傳死今
見汪君如更睹知名憶在巳年秋辛未殘冬欣接武走時
貞疾蟻鬪牛君爲察蜚候兼部千年枸杞不可得九節昌
羊通藏府後遇至人傳衛生液液解冰參納吐猶蒙傳語
問無恙高臺多風太室雨蠟蛰一別十年閒春榜名登碩
人候喜來手腳輕欲旋重欲顏行斂金鼓先生故是不可
量一第何能增宛嶠稍聞餘技販丹經未遣追風籥元圃
倘得雲中萬家縣猶勝日下丈二組我逢佳客始開門握
手大駭百痼愈初從別緒說萍流復述學涂辨堂廡齊賢
忱郎丙戌科臭腐雲煙何足數明陰洞陽玉精英出律入

禮黃閒弩百金并辦千金方學海君能徒手取文家蟬噪
儒家瞽紛紛出入相奴主亭林雅有廓清力博野三物猶
小補君由其數知其理尙書四七易三五刪除蹈襲存心
得山陰黃精陽石乳刀圭沛世古靈言一藥一病今可譜
自言壯悔少猶粗述者慚希能信古之燕之粵途非僻漱
飲寒衣意良苦區田一卷尤時宜桐君六丁來摸肚君少著區田法二卷辛酉流徙桐廬而失之
或爲山中道流所得未可知也灑然示我弢廬圖黃山
百靈抗天柱花藥熠熠室虛明娟稚熙熙治酒脯風吹木
瓢豈尸舜花落青牛不適楚漸江來從三天都我酌其甘
醉神禹情瑩徹骨無由邪上有白雲如白羽自斂吾友戴

望

與莊棧

太息儒名行多賈

戴君語

賴有夫君起衰圯正言

一敵羣哇咻先生所居卜歲穰晉祠流水神弦撫何如陳
力遺補閒宣室藥言窮岷縷况今帷幄求良籌四譯方開
敵人戶胡爲論道阻江湖簞簟明堂虛搏拊憶昔閩朱諍
僞書並馬臥茵同起舞劉宋日精與月鬼作爲歌詩相戲
侮世事方殷嗟力薄求子贈言爲積矩翩然小別一千春

龍泉捉爾延平浦

湘鄉贈劉公蓉詩
云千山捉臥龍

題仲伊後緹縈傳奇

習之手表高貞女石笥曾歌女李三解道百男何憤憤藉
詞漆室風婀娜

欲歸三十均

見說山中好憑將耳洗淵野人來問姓山鳥不知年沙篆
潮平嶼風鈴塔臥煙柳銜魚戢戢竹剖溜涓涓雪後皆奇
嶂梅時有別天橘王蠃獻果蓮女鷺看船仙子松毛瘦高
僧石脅穿藥鑪鉛虎候香木蟄龍涎赤箭陽崖茁青甯暗
霤懸僻應門列槿靜則枕流泉高詠呼租牒幽尋買笋簍
酒篳千日醉花插四時妍上下迴相望東西屋作箋銅杵
入林餽雲笈過庭編壇籜風頻掃窗塵日晏眠幾經歌舞
異忽復歲時遷喪亂弓亡楚音書燭誤燕倦思遼鶴返狎
憶海漚便一泛寒溪棹重支老屋椽芋魁從乞種稻嶼不

論錢考牧金華客輕裝范蠡賢鑿渠畚細石垂釣撒芳荃
八節灘何許三層閣有焉蒼官與青士把袖復隨肩泉壓
中澗美簪排下瀝圓睦親坊野語石屋渡迴沿女褐鍼穿
鵲兒書角挂犍勅無關世事坐欲破寒氊夜雨響山葉秋
花明驛田欲歸歸不得斷爛對床篇

送辛楣郡倅南游四絕

沙土園荒屋兩頭題襟何況問湖樓舊來結社都陳迹一
隻飛鴻又叫秋

東青門裡精廬好學派旁行師鄭齋解轡何方尋柱史壘
山藿蠋語空諧

何日精廬其一
鐙居然北秀對南能折蘆渡水頻相送莫
謂寒蛟不可醫

餞秋仍望白雲司三宿巢痕欲去遲爲我將書吳市尉
裘招隱索新詩

燭栗示女

白鴉寒谷味霜風催送來如能疏栗事喚取覓多枚

九日城西登高

東家儒詰西家墨南郭窪言北郭高一笑殿門至游子意
行太室啖松毛

香山漠漠樹濛濛紺宇瓊臺極望中吾屬新亭休迸淚龍

超氣與濁流東

又至畏吾村茶陵李文正公墓

簪裾昔是畏吾村藥採今傳懷麓墓惟有蒼官蛻後鱗化
作龍泉飛欲去

雜言

野水歸牛浮鼻穹林宿羽同龕從誚村翁頑鄙弱年五十
三參

又

曉盎荷衣蠹落夜窗竹影參差一日中含四序個中消息
誰知

又

夕粥雞栖莎柵朝呼鳥啄餘糧無水無山處隱營騰一枕
風涼

又

衣綻應訶女隸春粗爲責髯奴竟爾標枝野鹿中流何處
尋壺

槐

屋上老槐千龍鱗夜風霜寒枯欲落大聲呀豁又微吟洶
洶波濤春枕作坼茅卷土不肯降槐距檀攻皆削弱夢迴
酒醒風力微浩如虛舟絕大壑九關人寂虎冥冥起看南

枝挂一星挽著滄江無用處坐聽雞號霜滿庭

後寰海二十首

續邵陽魏默深先生作

請纓恥類牂生突獻議嫌逾突徙薪何況桓侯仍目笑不
如閉口飲吾醕

未能外乞句漏令且判勤漉雲安春殘生傷性等閒耳耆
好何殊螺贏倫

千里金隄蟻早摧楊光先枉殺奇材勝朝番舶金葉表半
出中行說翦裁

欲迴四海純秋氣端在雷霆一發聲

景陵寬大

泰陵肅何物撐犁能弄兵

恥言農戰競文儒

梁任昉策秀才文云今農戰不修文儒是競哀江南賦述天監大同間事云天

子方刪詩書定禮樂宰衡以干戈爲兒戲搢紳以清談爲廟略此切中利病之言乃史筆也

四庫椎輪

智飾愚始識諸城能燭遠絕勝發難越

朱開四庫館之議劉文正公

以爲非當時急務擬寢筭河奏不下而于金壇力持之

新柳新桃青已黃東風一吹數尺強妍枝縛幹三年大付

與兒孫作屋梁

亦有才名動亶洲長沙表餌術悠悠計東虛挾籌南論猶

笑盈廷築室謀

永樂虛傳柔遠名貂璫日夜海西行漏卮一筵嫌何晚早

見舟移壑不盈

亭林久廢郡縣論何意張大車師庭

此厲某巨公奏設新置郡縣事

歲授

千萬蒲昌海人臣之利何聽瑩

借作平聲讀

差倚黔夫鑠北門黃金橫帶自言尊非關手足輕頭目奈

有委蛇鶴在軒

旱母奇荒那可論出師今日鑿凶門

此厲某公奉命守山海關遷延不赴防

所鼓聲不起高牙靜朝氣纔明日又昏

海王幾已醪投越山鬼何年壁遺秦賴有德齊兼地醜祗

愁活國更無人

六千里楚甯爲役百二關秦莫敢何一部索倫精手好雞

鳴牙帳久聞歌

俄人近於東部額汎外別募哥薩種人二萬餘爲兵耐勞善戰哥薩一曰羅刹卽我

之索倫也在黑龍江北岸近爲俄割去華文右行謂之索倫俄文左轉謂之羅刹七椿園指羅刹部落爲俄羅斯別

名者誤

祖國金銀積氣存摸金校尉健無倫緣何輸稅蠻夷帳不

襦西鄰襦北鄰

二盤何有松泉石

田盤山相傳云上盤石中盤松下盤泉

招隱盤中三畝宅

何方更覓田子春邀我金華牧羊客

辛有不作徒戎論子囊空爲城郢謀

時貴有延請增築都城亟辦防堵者東

丹健兒好身手挽強更臂奇毛游

粗才霧隱孰袁豹謫諫風微無觸龍但使安排國工在不

辭去作蔣山傭

衢尊醉了又窪尊爛漫聲郎一笑溫爲飲易又王挂腹不
嫌剝啄午題門

驕胡火色網恢恢

完顏亮大舉侵宋宋人占焦氏
易林繇曰驕胡火形云云果驗

未遣豪

酋飲馬來終信鶉頭天不醉何妨龍蹠地能迴

庚申庚子又庚辰金木相忤豈數屯蓄艾臥薪

君相事祇慚併辮不能神

潘孺老著新帽曉行隘巷閒爲人攬去戲賦新詩將
以獻嘲

榮叟鹿裘老帶索十年一冠裁簇新不隨時樣新先輩翻

遇惡少相陵眴公然抱帽驚兔脫先生禿髮故不瞋

先生戲改

杜句公然抱茅入竹去唇焦口燥呼不得云云

謂汝政苦寒飢使亦坐先生槃散

行踈踈歸呼赤腳婢還覓舊頭巾由來美服患人指細悟
養形須外身從此看花醉逐少年隊峨冠者鄙窮酸親金
甌一擲弁髦耳何暇出戶喪吾真勁風催霜席自煥一室
自釀羲皇春漫持章甫適諸越未必儒冠能誤人吁嗟乎
巧偷鉤豪奪國發冢大儒稽古力人閒六鑿還相賊古今
得喪一例哈小往安知無大來

和前作

潘存

君不見杜陵翁秋風吹破屋村童竊茅徑穿竹又不見玉

川子惡少騎屋山渾舍驚怕走告官我今不作焦唇呼亦
復不下長鬚狀厭故喜新盜之招畏壯侮老人非妄一身
百體頭最尊宜如羣臣奉大君豈知各自私所有冠敝苴
履誰能援楚人亡弓楚人得此去誤誰隨所適歸來寒月
照華髮頭童戴天喜不隔世閒萬事同戲劇巧偷豪奪知
何極讀君詩罷爲岸幘不須小大說往來人生當著幾鞢
屐

買菊

蓄琴經年嗔不彈捐書時復讎肺肝先生耆好究何腐夜
分鶴叫知天寒窮年觀物自娛樂偶編虎落斬枯竿避賢

讓出菊花路俸錢一囊留幾看東家栽菊白玉杆西家步

障青珊珊長安菊譜種有幾西施沈醉虎鬚漫

京輦菊市
甲天下色

目甚多貴家爭尚之
視舊譜所收數倍

傾囊第取飽我眼粗花細葉皆可餐

磁州瓦盆三十輩聊辱佳客兒童謹就中黃白得氣早正

色詎假穀朱丹長鑱無地可耕牧閉門抱甕甯辭難還燒

牡黝治堦戶且養金精補藥欄先生獨酌晚色淨頽然更

倚青琅玕

題瀨上舟

種竹支扉三日辦真成物外一虛舟風簾裊裊龍蛇影雨

几浪浪鳬雁游寂靜藏山終日住虛明沈陸百無憂莫嫌

弊漏牽難去檻外從君試直鉤

丁氏

松下丈人紫芝曲城東泠泠竹並榮朱楓而後好兄弟金石爬梳眼更明

答和譚全椒

舊游漫與說同袍山縣新硯試孟勞白璧明珠多按劍甘
瓜苦帶任懸匏名浮道術猶堪恥日飲亡何且自豪漸入
中年感哀樂相要寒節證孤高

懷鄭令君

時從軍
榆關

八分瘦硬老鄭虔攜手一別山蒼然盜課謫官歲行暮苦

詩九

三

避舍蓋
公堂

寒從軍私自憐萬牛挽舊無氣力一雁叫空誰爲傳悠悠
名利等閑耳腐鼠豈足污貞堅

掾曹

掾曹坐閱歲崢嶸寂歷疏寮納晚晴床上文書從束筭階
前草露競駢睛哀家梨美誰蒸熟方竹筇圓或削成忽聞
石鼎細泉響餘竅更作蒼蠅鳴

客坐

客坐能令吾喪我尸居不畏鶴嘲鵝腰金拖紫須臾耳錄
錄抱關甯汝訶

下田居云鵝性頑而傲刺
時也樂天有鶴贈鵝詩

腐儒

江左風流苓落盡楊鐸劉履莊棧李祖望一時陳清尊且其

潘初老

謂孺初

大筆誰書范逸民瘦竹荒寒疑有雪喬松廣

大不生鱗腐儒解作一生事雞柵縱橫詎厭貧

街東

馮家亭子樹冥冥枯木鵲巢深竹青風來簌簌葉自落雲
黯垂垂波不停雙煙微裊博山火一石橫臥匡廬屏經行
偶此憩寂寞夜來雪壓荆扉局

閑中

閑中日月堂堂送霧裡文章號號校曉榻槎牙欣欲吐南
窗且可遲融冰

巷南

戲贈潘高士
存瓊州人

巷南許叟融而諧巷北李郎辯而褊巷西髯張外閭而內
明巷東臞鄧內腹而外捷此皆良士一敵萬操術差強學
能踐未若海南山人擇處高雲壁潭潭萬重巘彼皆刺口
論時事干莫神鋒或傷雋先生不言道自存其氣充然遇
還蹇滂礪胸中開典禮長風泠泠滌涂𠬞又如廣谷秀穹
林百泉洄洄潤墳衍終年兀坐何思慮慮則千絲抽獨璽
四枯四實泥蟠蟄乍陰乍陽霧豹變千年斧鑿施手開萬
口纍疑一言讞用爲義和佐平成舍則黃綺砭頑悞胡爲
棄實復棄實濩落窮閭知者尠春風吹花席爲門寒日縛

竹茅自翦呼兒植援雞喧柵喚嬾作糜鵲噪甌先生晏虎
故超然絳雲在空自舒卷大賢慙世不賦俗惟用法律自
龜蠲窮通有如嬾寒暑年運而往何勞餞我知理勝兼孚
勝玉璫誰歟推子善殘冬地寒床有龜鼃觚晨炊食無嚮
游魚甘蟄鳥甘林曷不開尊暫游宴醉來兩忘心語口生
後何知龍作蜺城南寺松一百尺且可年年抱霜霰

聞亮生不作廬州之游

不去扶桑觀浴日卻于何處閱桑田屠龍屠狗惡乎可無
水無山著處便柱下谷神猶有術井窪河伯莫輕傳終宵
燭地知何宿見則閭浮大有年

少宰仁和夏公挽詩

萬感蒼茫日良臣不憊遺存雷虛講幄少海沉聞鼙鼓訪

百泉社

公嘗問學于興化劉中允

今亡一鑑師齎鹽長不改儉德少人

知

又

鄉國淵無潤人文方眇然如何湛盧去不使傳車還景孰

浮雲翳貧無下濕田未忘閤門語不獨痛摧遷

丙子唱第日還公將

入直垂問近日疆吏多陳夸事平其得失若何

地用莫如馬三首

地用莫如馬不甯西北徠時危恥苟出德勝賤逸才衰矣

鳳栖枳天閑龍與媒利眈知輸乘感遇存風雷日落幽燕
氣蕭條空復臺

人用莫如龜八九鑽無遺叢蓍不復茁蓮葉亦傾危方策
有南董純深乃器師千年枯桑熱聲銷防禡機

天用真如龍洞林何冥密陽德始萌芽元精貫華實非爲
參者馴乃自三淵出柔中有剛夬利器藏不疾愼毋魚服
困取笑鰕與蛭日躔有清明大野轉蕭瑟

孺老謫予曰不如逐伴歸山去長嘯一聲煙霧深云
云戲答一絕

蟬公劍術本粗粗那得仙姝一起予會使林深不可見煙

餐霧隱且胥疏

宅中竹

幽燕地寒無大竹寒篠亦復存典刑娟娟翠袂秀籬落歲
晏華予勤六經午無炊煙餅粟減雞鳴高樹鵲噪扃夜中
月從寒玉影瓊細斜上青金屏霜朝霧暝不可說石瘦苔
古無全形蟲蟲冬早陽氣泄風伯吹雲腳不停壇場駿奔
圭璧磬閉凍不固愁蝗螟材孱豈辦作公輔休沴感召如
桴桴隕霜不殺戒諸史蘭根枯死塵冥冥安望明年鐸龍
茂開花結實製頽齡低田宿麥龜坼兆小窗落日荒亭亭
此君寒癡睡不醒吾將驚之以雷霆

朝市

何物可醫通俗士鵲啁鷹呼來賀貧園官送菜寒十束竈
婢量薪支一旬松節燒殘石髓熟溼煙凍破梅花皴非朝
非市操何術猶媿几遽耕鑿民